

# “O‘ZBEK TILSHUNOSLIGI VA ADABIYOTSHUNOSLIGI TARAQQIYOTI, XALQARO HAMKORLIK MASALALARI”

mavzusidagi xalqaro ilmiy-amaliy konferensiya

## O‘ZBEK VA TURKMAN TILLARIDA OT SO‘Z TURKUMINING QIYOSIY ASPEKTI

Xummedova O‘g‘ilnavot  
Ajiniyoz nomidagi NDPI ning  
o‘zbek tili va adabiyoti  
mutaxassisligi 1-kurs magistranti

**Annotatsiya.** Ushbu maqolamizda o‘zbek va turkman tillarida ot so‘z turkumining qonun-qoidalarini, guruhlariga ajratilishini va ikki tilda qanday nomlar bilan guruhlanishini bilib olishingiz mumkin.

**Kalit so‘zlar.** Ot so‘z turkumi, atoqli va turdosh otlar, aniq va abstrakt otlar, has, jins, abstrakt va konkret otlar

**Summary.** In this article, you can find out the rules of the noun and Turkmen language divided into groups, groups, and what are divided into two languages.

**Keywords.** A noun-word, well-known and related nouns, accurate and abstract nouns, hass, gender, abstract and concraxes

**Резюме.** В этой статье вы можете узнать правила языка лошади и туркменов, разделенных на группы, группы и то, что разделены на два языка.

**Ключевые слова.** Лошадие, хорошо известные и родственные лошади, точные и абстрактные лошади, хасс, пол, аннотация и бетонные.

O‘zbek tilida shaxs, narsa ma’nolarini, shuningdek, joy nomlarini bildirib, **kim?, nima?, qayer?** so‘roqlariga javob bo‘ladigan so‘zlar **ot so‘z turkumi** deyiladi. Otlar **kishi nomlarini:** Ahmad, Nilufar, Sardor, Go‘zal kabi; **o‘rin-joy nomlarini:** Farg‘ona, Qashqadaryo, Qoraqolpog‘iston, maktab kabi; **daraxt va o‘simlik** nomlarini: majnuntol, terak kabi; **narsa-buyum** nomlarini: kosa, qo‘shiq, payola kabi; **vaqt-fasl nomlarini:** qish, kuz, mart, iyun kabi; **voqea-hodisa** nomlarini: urush, zilzila kabi; **Yer va osmon jismlari** nomlarini: yer, tuproq, yulduz kabi hamda **mavhum tushunchalarni:** sevgi, tinchlik, orzu kabilarni bildiradi. Kim? so‘rog‘i shaxsni bildiruvchi so‘zlarga, nima? so‘rog‘i narsa-buyumni bildiruvchi so‘zlarga, qayer? so‘rog‘i joy nomini bildiruvchi so‘zlarga beriladi.

Turkman tilida esa otlar mustaqil ma’no anglatadigan so‘z turkumining biri bo‘lib, predmetning, narsaning nomini yoki predmetlashgan tushunchaning nomini bildiradigan so‘zlarga ot deyiladi. Otlar turkman tilida “**kim?**” (**kim**), “**näme?**” (**nima**), “**nire?**” (qayer) degan savollarga javob berdi. Kim? so‘rog‘ini inson ismlari uchun foydalanib, insonning ismi, familiyasi aniqlanadi: Oraz, Nazarow. Kim? so‘rog‘ini yana **kasb-hunar otlari** : *işçi (ishchi), mugallym (ustoz), çopan (cho‘pon), qarindoshlikni bildiruvchi otlar:* ata (ota), ene (ona), daýy (tog‘a). Nima? so‘rog‘ini odamdan boshqa jonli va jonsiz narsa, predmetlarni aniqlashda javob beradi. Masalan: *bilbil (bulbul), geçi (echki)*. O‘rin-joy nomlrini bildiradigan otlar

# “O‘ZBEK TILSHUNOSLIGI VA ADABIYOTSHUNOSLIGI TARAQQIYOTI, XALQARO HAMKORLIK MASALALARI”

## mavzusidagi xalqaro ilmiy-amaliy konferensiya

nire? yani qayer? so‘rog‘iga javob beradi: *Aşgabat (Ashg‘abot), Mary (Mariy), Garagum (Qoraqum), oba (ovul), şäher (shahar)*,<sup>1</sup>

**O‘zbek tilida** otlar bir turdagi predmetlarning birini yoki umumiy nomini ifodalashiga ko‘ra ikkiga bo‘linadi: **Atoqli otlar va turdosh otlar**

Atoqli otlar atab qo‘yilgan nomlardir. Biror shaxs, narsa yoki joyga atab qo‘yilgan nomlar **atoqli otlar** sanaladi.

Atoqli otlarga quyidagilar kiradi. Ular:

1. **Ism, familiya, ota ismi, taxallus, laqab:** *Erkin Vohidov*
2. **Planeta, yulduz nomlari:** *Mars, Neptun, Uran, “Katta Ayyiq”, Yer*
3. **Geografik joy nomlari:** *O‘z bekiston Respublikasi, Markaziy Osiyo*
4. **Korxonona, tashkilot, muassasa nomlari:** *“To‘xtaniyo‘z” fermer xo‘jaligi, “Malika»ishlab chiqarish birlashmasi, “Afrosiyob” mehmonxonasi.*
5. **Hayvonlarga atab qo‘yilgan nomlar:** *Boychibor, Girko‘k*
6. **Badiiy asar, gazeta, jurnal nomlari:** *“O‘zbekim» qasidasi, “Ufq”romani, “Sinfdoş» jurnali, “Bekajon” gazetasi.*

Turdosh otlar atoqli otdan farqli ravishda bir turdagi predmetlar – shaxs, narsa, o‘rin-joy, faoliyat-jarayonlarning umumiy nomini ifodalaydi. Masalan: *mamlakat, kitob, shahar, daryo, mashina kabilar turdosh otlardir*. Turdosh otlar ifodalayotgan tushunchasining ma‘nosiga ko‘ra ikkiga bo‘linadi. Ular: **Aniq otlar va mavhum (abstrakt) otlar**

**Aniq otlar:** sezgi a‘zolarimiz orqali bilishimiz mumkin bo‘gan narsalarni bildirgan otlar aniq otlardir. Soddagina aytganda, ko‘z bilan ko‘rish, qo‘l bilan ushlab va sanash mumkin bo‘lgan otlardir. Masalan: *kitob, mashina, uy, eshik, dutor, qalam, o‘rik, traktor*.

**Mavhum (abstrakt) otlar:** sezgi a‘zolarimiz orqali bilishimiz mumkin bo‘magan, tafakkur va tasavvur orqali idrok qilinadigan narsalarni bildirgan otlarga mavhum otlar deyiladi. Masalan: *baxt, pari, farishta, uyqu, dev, xayol, aql, o‘y, go‘zallik*.

**Turkman tilida** otlar leksik-semantik farqlanishi bo‘yicha turli ko‘rinishlarda bo‘ladi. Shu nuqtayi nazardan otlar: "**Has** atlar" , "**jjyns** atlar", "**abstrakt** atlar", "**konkret** atlar" deb bo‘linadi.

Odamlarga yoki boshqa narsalarga atab qo‘yiladigan otlarga "**has atlar**" deyiladi. Bular konkret odamlarni yoki narsalarni farqlash mazmuniga ega. Ularga quyidagilar kiradi:

<sup>1</sup> Hāzirki zaman türkmen dili. morfologiya. Yökary we orta hünär okuw mekdepleri üçin okuw gollanmasy – A.: Türkmen döwlet neşirýat gullugy, 2015.

# “O‘ZBEK TILSHUNOSLIGI VA ADABIYOTSHUNOSLIGI TARAQQIYOTI, XALQARO HAMKORLIK MASALALARI”

## mavzusidagi xalqaro ilmiy-amaliy konferensiya

1. **Insonlarga xususiy atalgan otlar:** *Aman* (Omon), *Oraz* (O‘roz) va ularning familiyalari: *Meredow* (Meredov), *Orazowa* (O‘razova); insonlarga qo‘yiladigan laqablar: *Pyragy* (Firog‘iy), *Azady* (Ozodiy), *Andalyp* (Andalip).

2. **Toponimik xususiy otlar :** *Gypjak* (Qipchoq), *Mary* (Mariy)

3. **Astronomik xususiy otlar:** *Ay* (Oy), *Gün* (Kun), *Yer* (Yer)

4. **Korxonalar, o‘quv joylarga, kinoteatrlarga, gazeta-jurnallarga, badiiy yoki ilmiy asarlarga qo‘yiladigan otlar:** *Garagum deryasy* (Qoraqum daryosi), “*Türkmenistan*” *gazeti* (“Turkmanston” gazetasi)

5. **Uy hayvonlariga atab qo‘yilgan otlar :** *Dordepel* (To‘rtepel), *Gaplañ* (Qoplon)

“**Jyns atlar**” bir qismdagi, jinsdagi narsalarning barchasiga tegishli bo‘lgan guruhning, jinsning nomini anglatadigan otlardir. Masalan: qalam, daftar, odam, qush, hayvon, temir, daraxt va boshqalar.

“**Abstrakt atlar**” turli xil tushunchaning, o‘y-fikrning, hodisaning nomini bildiradi. Masalan: aql, baxt, niyat, maqsad va boshqalar

“**Konkret atlar**” ma’no jihatdan, ko‘rib bo‘ladigan narsalarning nomini anglatadi. Masalan: non, qovun, tarvuz, fil, qalam, kitob, qo‘l, oyoq tish va boshqalar<sup>2</sup>.

Xulosa qilib shuni aytish kerakki, o‘zbek tilida ham turkman tilida ham ot so'z turkumlarining guruhga bo'linishi, nomlanishi ozgina farq qilarkan. Ikki tilni qiyoslash orqali biz turkman tilida o'qiydigan o'quvchilar bemalol, sodda qilib o'zbek tilini o'rganishlari uchun sharoit yaratgan bo'lamiz.

### Foydalanilgan adabiyotlar:

1. Häzirki zaman türkmen dili. morfologiya. Ýokary we orta hünär okuw mekdepleri üçin okuw gollanmasy – A.: Türkmen döwlet neşirýat gullugy, 2015.
2. Шоабдурахмонов Ш. Ҳозирги ўзбек адабий тили. Т.: Фан, 1980
3. Sayfullayeva R., Mengliyev B., Boqiyeva G. va b. Hozirgi o‘zbek adabiy tili. O‘quv qo‘llanma. – Toshkent: Fan va texnologiyalar, 2009
4. Allamberganovich, K. G. (2019). BILINGUALISM AND POLYLINGUALISM IN THE CASE OF THE LANGUAGES IN THE REPUBLIC OF KARAKALPAKSTAN. ANGLISTICUM. Journal of the Association-Institute for English Language and American Studies, 8(9), 32-41.
5. Xudayarova, M., & Usanova, Q. (2023). “BOBURNOMA”–TARIXIY MANBA SIFATIDA. Академические исследования в современной науке, 2(4), 24-27.

<sup>2</sup> Häzirki zaman türkmen dili. morfologiya. Ýokary we orta hünär okuw mekdepleri üçin okuw gollanmasy – A.: Türkmen döwlet neşirýat gullugy, 2015.

**mavzusidagi xalqaro ilmiy-amaliy konferensiya**

6. Буранова, Ш. М., Юсупова, Г. А., & Худаярова, М. Т. (2023). ЎЗБЕК ТУРКМАН ТИЛЛАРИНИНГ ФОНЕТИК ТИЗИМИДАГИ ЎХШАШЛИК ВА БАЪЗИ ФАРҚЛАР. INTERNATIONAL JOURNAL OF RECENTLY SCIENTIFIC RESEARCHER'S THEORY, 1(9), 86-93.
7. Худаярова, М., Уразбаев, П., & Сапарова, А. (2022). Қорақалпоғистондаги туркий халқлар тилидаги ўзига хосликлар. Развитие лингвистики и литературоведения и образовательных технологий в эпоху глобализации, 1(1), 10-11.